

Или болезнь наведе богосозданному человеку, или паки тщеславуя ложью оскорбив или оклеветав, || или осуди, или подсмея, или ошутив — и се л. 187 об.
убо расторже любовь, яко осрамоти человека создание божие. Или паки
еще что налжысвидетельства и се убо расторже любовь, яко человека
в напасти погузи. Сие же убо глаголю к неимущим власти, яко еще кто
не может насильством отъяти что у кого ни инеми коварствы к себе ни-
чесо же отлучити, труда же блаженнаго в работе не хошет стяжати и тем
внити в царство божие, но от дьявола отягчен леностию души своей на
погубление и шед украдет — и се убо расторже любовь, яко бо еще и не
ругаясь, сиречь не явственне взят, но обаче чюжая же труды преобиде.
Или еще у кого на блуд жену увеща — се убо расторже любовь, яко
з женою разлучи и противяся сему, еже сам господь рече: «яже убо бог
сочта, человек да не разлучает».^я Еще ли же кому блудное насилие со-
твори или лестными коварствы || на блуд кого увеща — се убо како любве л. 188
не расторже, яко лстя и оболгая, zde творя любяи, како бо любяи, единою
ражнение плоти своя хотя дьяволею утехою утолити, сего же душу в веки
в негасимый огонь сведе тако же и себе. Сими убо всеми дела и инеми
обидимыми и соблазненными любовь растерзается. Собрание же всякое
содевается гордыни ради. Кийждо бо человек от миродержителя дьявола
подстрекаем есть, абы в мире сем был честен и славен и богат, и кийждо
бо нас хошем украшения ради ризнаго и пиротворения от божиа заповеди
отверщися и любовь расторгнути и сим душу и тело послати в негасимый
огнь з бесы мучитися. Но беси убо дух лукав и в муце будут без плоти,
чловецы же с плотию, и еще и безплотнии отпадшии и почювителне будут
терпяще в муках, како же плотстии. О отцы || и братиа, разумеем силу л. 188 об.
любве, ибо и милостини и смиренню мати есть. Еще бо низша и странна
не возлюбиши и не поскорбиши о нем и не приложиши его к своему чело-
вечеству, то и милостини не вдаси ему, еще ли же возлюбиши и сего
ради и милуеши его, се бо есть любовь, еже убога или бедна, или низщаго
возлюбив дати ему от своего труда. Се бо вменитися от бога в великое
смирение, яко на сего убогаго поработал еси, а еже у инех насильством
приял еси и низшим даеши — несть се от любви. Сему бо низшему мниши
от любви дав милостиню, у инаго же убога же во вражду взял еси —
несть се исполнение любви, но болшей вражде еже к насилуемым.
Любовь же истинная, еже по божиим заповедем ко всем равно, яко же
к честным, тако и к безчестным, и яко же к своим, тако и к чюждим
единоверным, и яко же к другом || тако и ко врагом, ни единого же поху- л. 189
ляя. Яко же богозванный Павел коринфом пища глаголет: «любвы долго-
терпит, блажит, любвы не завидит, любвы не облазуется, не гордится, не
злообразуется, не ищет своих си, не раздражается, не вменяет злое, не ра-
дуется о неправде, радуется же ся о истинне, вся любят, вся верует, вся
упоает, вся терпит, любвы николи же отпадает».^{III, а} Се бо есть не отпа-
дение любве, яко богосозданнаго ради человека паче же единовернаго
ничесо же щадети, не разньствуя человек, но ко всем равно, паче же
к бедным и нищим, яко же бо вси чловецы богом создани единаго
естества. Внешняя убо в чловецех видима суть, еже убо поспешающесея
или ни все гиблеми мирстей чести,^б в душах же о негиблемей чести^в
никто же кого весть, токмо сведый сердца всех праведный судиа.
Аще ли же кто начнет любовь лицемерную в совете || твоём держати, л. 189 об.
от таковаго соблюди себе, не послабися ко оного безумию и возри нань
с яростию, да сие от тебе уведав или пременит неправедный обычен или

^я Матф., XIX, 6. ^{III, а} I Кор., XIII, 4—8. ^б В ркп. чти. ^в В ркп. чти.